

**Aalisarnermik, piniarnermik nunalerinermillu inuussutissarsiutillit inuussutissarsiornerannik siuarsaaneq pillugu Inatsisartut peqqussutissaattut siunnersuut nr. xx 2006-imeersutut siunnersuut.**

Kalaallit Nunaanni inuussutissarsiutinut tapiissuteqartarneq pillugu inatsimmi nr. 134-mi 28. marts 1984-imeersumi § 1 naapertorlugu aalajangersarneqarpoq:

**Kapitali 1**  
*Siunertat*

§ 1. Inatsisartut peqqussutiliaatigut siunertarineqartoq tassa aalisarnermik, piniarnermik nunalerinermillu inuussutissarsiutit naammassiviulluartartut unammillersinnaasullu siunissaq ungasinnerusoq isigalugu suliffissaqartitsisinnaasut siuarsarnissaat suliniutitigut ungasinnerusoq isigalugu inooqatigiit aningaasarsiornerannut iluaqutaasinnaasutigut.

*Imm.* 2. Kapitalini 2, 3 aamma 4-mi oqaatigineqartutut inuit ingerlatseqatigiilluunniit Kalaallit Nunaanni aalisarnermik, piniarnermik nunaateqarnermilluunniit ingerlatsisinnaatitaasut inuussutissarsiorneq siuarsarniarlugu Naalakkersuisut inuussutissarsiutit siuarsarniarlugit taarsigassarsitillugilluunniit tapiiffisinnaavaat.

**Kapitali 2**

*Inuussutissarsiutit siuarsarniarlugit taarsigassarsianik atukkiussinermi tapiinermilu tunngaviusussat pingaarnert*

*Ingerlatassatut pilersaarutit, inuussutissarsiutit siuarsarniarlugit taarsigassarsisitsiviusinnaasut*

§ 2. Ingerlatassatut pilersaarutitut inuussutissarsiutit siuarsarniarlugit Naalakkersuisut taarsigassarsisitsisinnaapput:

- 1) Teknikkikkut isumannaatsumik nalilerneqartunut, aamma
- 2) maannakkut siunissamiluunniit aningaasatigut akilersinnaasutut nalilerneqartunut, aamma
- 3) ingerlatassatut pilersaarutigineqartuni iluanaarutissaattut naatsorsuutigineqartut aningaasartuutaajumaartunut naapertuuttutut nalilerneqarpata.

*Ingerlatassatut pilersaarutit tapiiffigineqarsinnaasut*

§ 3. Naalackersuisut pilersaarutinut makkununga tapiisinaapput:

- 1) Teknikkukut isumannaatsumik nalilernerqartunut, aamma
- 2) maannakkut siunissamiluunniit inuiaqatigiit aningaasarsiorneranni akilersinnaasutut nalilernerqartunut, aamma
- 3) tapiiffigineqartoq periarfissaqarpat imminut napatilernissamut.

*Imm. 2.* Naalackersuisut tapiisinaapput pilersaarutinut nunagissaanermik siunertalinnut.

*Qinnuteqaateqartu, inuussutissarsiutit siuarsarniarlugit taarsigassarsisinnaasut*

§ 4. Inuussutissarsiutit siuarsarniarlugit taarsigassarsiniartup qinnuteqaataata suliarinerani qinnuteqaat ataatsimut isigalugu naliliiffiginiarneqassaaq ilaatigut matuma kinguliini taasat uppersarsinneqarsimappata:

- 1) Qinnuteqartoq ingerlatsinikkut aqutsinikkullu pisariaqartinneqartunik piginnaassuseqartoq qulakkeerneqarsimalluni ingerlanniakkaminik imminut akilersinnaasumik ingerlatsisinnaanera inuussutissarsiutit siuarsarniarlugit taarsigassarsisitsinissami piumasarineqartunut naapertuuppata.
- 2) Ingerlatsinermi aningaasartuutissatut akiliisinaassutsimullu naatsorsuusiaticigut taku-neqarsinnaappat taarsigassarsiat utertinniarlugit akilersorneqarsinnaasut.
- 3) Qinnuteqartoq nalilinnik pigisaqarnermigut ima ittoq akilersuinissamik pisussaassut-siminik naammassininnaalluni aningaasanik atukkaminik taarsiisinaassuseqartumik.
- 4) Takuneqarsinnaappat nunaminertamik atuinissamik akuersissummik tunineqarnermut, aalisarnissamik akuerineqarnermut, aalisagartassinneqarnermut pisortanillu akuersissutinut allanut aallartinniakkanullu pisortanit akuersinissamut nalunaarneqarsimasoq peqqussut manna malillugu inuussutissarsiutinik siuarsaanissanissamut atatillugu taarsigassarsisitsisoqarsinnaavoq.
- 5) Qinnuteqartoq pilersaarutimi naammassinissaanut inuussutissarsiutit siuarsarniarlugit taarsigassarsinissamik piumasaqaatigineqartunik pigisaqarpat.

*Imm. 2.* Imm.1, nr. 3 malillugu naliliineq pissaaq qinnuteqartup qinnuteqarnerup nalaani aningaasaticigut ingerlanera tunngavigalugu. Pissutsit patsisissallit, taamatuttaaq sillimmasii-nermik suliat, eqqartuussivimmi sulianik aalajangiinerit il.il. pissutsit naammassereertinnagit naliliinermut ilaasinnaangillat.

*Imm. 3.* Naliliinissamik tunngavik Naalackersuisut ilasinnaavaat piumasarlugit inuussutissarsiornermut atasumik siusinnerusukkut atorniarnert Namminersornerullutik Oqartusanilluunniit tapiissutit paasisutissartaannik tunineqarnissamik nalilerniarlugu qinnuteqartup pi-sussaaffini naammassisimanerai.

*Imm. 4.* Qinnuteqartoq angallammut ataatsimut imaluunniit savaateqarfimmut ataatsimut inuussutissarsiutit siuarsarniarlugit taarsigassarsisinnaavoq. Tamanna atuuportaaq inuk taanna ingerlatseqatigiiffinnik ilivitsumik ilaannakuusumilluunniit arlalinnik piginnittuuppat.

*Qinnuteqartut tapiiffigineqarsinnaasut*

§ 5. Inuussutissarsiutigalugu nutaamik sanaamik umiatsiaararsiniarnermut

Naalackersuisut tapiislinnaapput inuussutissarsiutigalugu umiatsiaararsiassaq:

- 1) Minnerpaamik isikkanik 16-inik annerpaamillu isikkanik 19-inik takissuseqarpat,
- 2) motooreqarpat aquuterammik ikkuttakkamik, aamma
- 3) Kalaallit Nunaanni inuussutissarsiutigalugu umiatsiaarassatut akuerisaasimappat.

*Imm. 2.* Tapiissutit tunniukkumaneqarnerussapput umiatsiaararsiassanut piniarnermut atugassanut.

*Imm. 3.* Inuussutissarsiutigalugu umiatsiaaqqamik pisinermi umiatsiaaqqap pisiarinerani akiata 75%-ianik tapiissuteqartoqarsinnaavoq. Qinnuteqaateqartoq Qaanaami, Ammassalimmi Ittoqqortoormiuniluunniit aalajangersimasumik najugaqarpat umiatsiaaqqap pisiari-nerani akiata 84%-ianik tapiissuteqartoqarsinnaavoq.

*Imm. 4.* Inuussutissarsiutigalugu umiatsiaararsiniarnermi inuussutissarsiutit siuarsarniarlugit taarsigassarsisitsisoqarsinnaanngilaq.

§ 6. Qinnuteqartoq, inuussutissarsiutigalugu nutaamik umiatsiaarartaarniarnermini, § 5 malillugu imaassaaq:

- 1) 18-it 60-illu akornanni ukioqassalluni, aamma
- 2) tapiiffigineqarnissamik qinnuteqarnini ukiunik marlunnik sioqqullugu inuussutissarsiutigalugu piniartutut aalisartutulluunniit allagarserneqarsimasussaalluni qinnuteqarnermilu nalaani taama allagartaqartussaalluni.

### *Qinnuteqartut nunalerinermi tapiiffigineqarsinnaasut*

§ 7. Nunalerinermut atatillugu nunagissaanermik suliassat kisimi

tapiissuteqarfigineqarsinnaapput, aamma qinnuteqartoq tapiiffigineqassaguni:

- 1) nunalerinermik ingerlatsisooreertariaqarpoq,
- 2) uppenarsaateqartariaqarpoq nunagissaanermigut nunalinermik siuarsaaqataallunilu ingerlalluarnerulersitsisinaanermirik, aamma
- 3) uppenarsaasiisinnaasariaqarpoq nunagissaanermigut nunalerinerup aningaasatigut ingerlanera iluaqusersinnaallugu.

## **Kapitali 3**

*Aalisarnermut piniarnermullu malittarisassat sukumiinerusumik oqaatigalugit*

*Inuussutissarsiutit siuarsarniarlugit angallatinut aalisariutinut taarsigassarsiat inuutissarsiutigalugulu umiatsiaaqqanut tapiineq*

§ 8. Naalackersuisut inuussutissarsiutit siuarsarniarlugit aalisariutinut

taarsigassarsisitsisinnaapput matuma kinguliini taaneqartut siunertarineqarpata:

- 1) Aalisariummik allangortiteriniarneqarlunilu iluarsaaniarneqarpat.
- 2) Motoorinik pissarsiniarneqarpat, iluarsaassiniarneqarluni taarsiiniarneqarlunilu.
- 3) Sillimanissamut atortunik pissarsiniarneqarpat.

- 4) Teknikkikkut atortunik allanik pissarsiniarneqarpat.
- 5) Aalisarnermut atortunik ingerlatsinermilu atortunik taamaaqataannik pissarsiniartoqarpat. *Imm.* 2. Inuussutissarsiutit siuarsarniarlugit taarsigassarsianik aalisariutisiniarnissamut qinnuteqaat nalilerniarlugu, imm. 1 malillugu aalisariutip ataatsimut aningaasarsiutaanera nalilerniarneqassaaq aalisartup nalinginnaasumik isertarisinnaasai aallaavigalugit.

**§ 9.** § 5 malillugu tapiissutigineqartut inummut qinnuteqartumut taamaallaat ukiut aqqaneq marlungoraangata tunniunneqarsinnaassapput. Tassalu qinnuteqaateqartoq malittarisassat siusinnerusukkut atuuttut malillugit umiatsiaaqqamik pisinissamut Naalackersuisunit taarsigassarsilluniluunniit tapiiffigineqarsimaguni, umiatsiaaqqamik inuussutissarsiummik nutaamik pisinissamut akuerineqarsinnaavoq pissarsinermi kingorna ukiut aqqaneq-marluk aatsaat qaangiuppata.

**§ 10.** Inuussutissarsiutigalugu umiatsiaaraq Naalackersuisunit peqqussut manna malillugu siusinnerusukkulluunniit malittarisassat malillugit taarsigassarsilluni tapiiffigineqarluniluunniit pisiarineqarsimasoq umiarnikkut, tamakkiisumik ajoqusivinnikkut allatulluunniit sillimmasiissutitigut matussusigassamik pisoqarneratigut annaaneqarpat, § 9 soqutinagu inuussutissarsiutigalugu nutaamik umiatsiaararsiniarnissamut tapiissuteqartoqarsinnaavoq:

- 1) Umiatsiaaraq annaaneqartoq naapertuuttumik sillimmasigaasimappat, aamma
- 2) sillimmasiinermut taarsiissutit pigineqarpata Naalackersuisunullu tunniunneqarsimallutik Naalackersuisut umiatsiaaraliortumik tamakkiisumik akiliuteqarnissaa siunertaralugu.

*Imm.* 2. Tapiissutit, imm. 1 malillugu, ajoqusiiffigineqarsimasumut sillimmasiinikkut taar-siiffigineqarsimasumut tunniussanut ilanngaatigineqassapput.

*Imm.* 3. §§ 3, 5 aamma 6 malillugit piumasaqaatit aalajangiinermilu tunngaviit atorineqassapputtaaq.

*Inuussutissarsiutigalugu umiatsiaaqqamut tapiissutit utertillugit akilerneqarnerat*

**§ 11.** Inuussutissarsiutigalugu umiatsiaaqqamik nutaamik pisinermut tapiissutit utertillugit akilerneqarnissaat Naalackersuisut piumasarisinnaavaat imaattoqarsimappat:

- 1) Tapiissuteqarfigineqartoq ukiuni tulleriinni marlunni inuussutissarsiutigalugu piniartutut aalisartutulluunniit nalunaarsugaasimangippat.
- 2) Nalilerneqarpat tapiissuteqarfigineqartup qaammatini kingullerni aqqaneq marlunni inuussutissarsiutigalugu umiatsiaaraq pingaarnertut isertitaminut atorsimangikkaa.
- 3) Pisiarineqarsimasut, § 5, imm. 1 malillugu, allamut tunineqarsimappata tapiissutit tigune-ranniit ukiut arfinillit qaangiutsinnagit.
- 4) Pisiarineqarsimasut, § 5, imm. 1 malillugu, qularnaveeqqusiunneqarsimappata.
- 5) Tapiissuteqarfigineqartup Naalackersuisunit, § 30, imm. 3 malillugu, piumaffigineqarluni inuussutissarsiutigalugu umiatsiaaqqap ingerlannerani qaammatini aqqaneq marlunni qaa-ngiuttuni nioqqutissiassanik tunisanut uppernarsaat nassiussimangippagu.

6) Tapiinissamut piumasarisat atugassarititaasullu allakkut qaangiinnarneqarsimappata.

**§ 12.** Ukiunut aqqaneq marlunnut tapiissutit aningaasartaat nalikillineqartassapput ukiut tamaasa aqqaneq marlorarterummik.

*Imm. 2.* Tapiissutip utertinneqarnerani, § 11 malillugu, utertitsinissamik piunasaqaat naatsorsorneqassaaq tapiissutit tiguneranniit ukiup nutaap aallartinneranit aqqaneq marlorarterummik ikiliartuaartillugit.

#### **Kapitali 4**

*Nunalerinermik inuussutissarsiteqarneq pillugu aalajangersakkat sukumiinerusut*

**§ 13.** Nunalerineq uani peqqussummi nassuiarneqassaaq inuussutissarsiornerut narsaase-rinertut imaluunniit uumasuuteqarnertut.

*Imm. 2.* Naalackersuisut nunalerinermi siunertanut inuussutissarsitugalugu illuutit sanaartornerannut, allanit tigunerannut, allilerneqarnerannut pitsangorsarneqarnerannulluunniit inuussutissarsitit siuarsarniarlugit taarsigassarsisitsinnaapput.

*Imm. 3.* Naalackersuisut nunalerinermut inuussutissarsitit siuarsarniarlugit taarsigassarsisitsinnaapput, taassumalu iluani piginnittumut, atuisumut, pisortaataasumut ikiortaasumulluunniit inissiamik ataatsimik sanaartornermut.

**§ 14.** Naalackersuisut nunalerinermi pigisanik piginnittumut inuussutissarsitunik siuarsaarnermut atatillugu inissiamik ataatsimik imaluunniit tunniussisup utoqqalinermini inissaanik taaneqartumik, sanaartornermut nunalerinermi pigisat allamut tunniunneqarneranut atatillugu inuussutissarsitit siuarsarniarlugit taarsigassarsisitsinnaapput, piunasaqaatit makkua naammassineqarsimappata:

- 1) Nunalerinermi pigisat tamakkerlugit allamut tunniunneqarsimappata inissiarata, inuussutissarsiornermi illuutit, maskiinat, uumasuutit kiisalu nunamik atuisinnaatitaanermik akuersissut ilanngullugit,
- 2) nunalerinermi pigisanik tunniussisoq ilaqutaalu qaniginerusai tunniussisup utoqqali-nermini inissaani najugaqassappata, aamma
- 3) tunniussisup utoqqalinermini inissaa sanaartorneqarpat taarsigassarsisutigineqarluni pigineqarlunilu nunalerinermi pigisanik tamarmiusunik piginnittumit.

**§ 15.** § 13 imm. 2 aamma 3, aamma § 14-ilu malillugit inuussutissarsitit siuarsarnissaannut taarsigassarsiat ilagissavaat innaallagissap aqquataasa ikkussornerannut aningaasartuutit, toq-qaviliornermi sanasunik ikiorteqarnermut aningaasartuutit, sanaartornermut atatillugu sanaartukkanut taamatuttaaq teknikkimut, inatsisilerinermut aningaasaqarnermullu tunngatillugu siunnersuinermut aningaasartuutit allat.

*Imm. 2.* Inuussutissarsitit siuarsarniarlugit taarsigassarsiat nunalerinermik ingerlatat allamut tunniunneqarneranni aningaasat atukkiussat atugassaapput illunut pigisanut, maskiinanut, uumasuutinut, illunut najugarisanut, ingerlatsinermi atortunut allanut kiisalu inatsisilerinermut aningaasaqarnermullu tunngatillugu pisinermut atatillugu

siunnersuisoqarnermut.

*Imm. 3.* Inuussutissarsiutit siuarsarniarlugit taarsigassarsiat taamaallaat taarsigassarsiaritinneqarsinnaapput imm. 1 aamma 2 malillugit aningaasat pisissutissatut oqaatigineqartut nalinginnaasutut oqaatigineqarpata.

#### *Ingerlatsinermi atortusat sanaartukkallu allat*

**§ 16.** Naalackersuisut inuussutissarsiutit siuarsarniarlugit taarsigassarsisitsisinnaapput ukununga atugassanik:

- 1) Maskiinanut, atortussanut, imerterutissanut, ungaluliassanut kiisalu ingerlatsinermit atortussanut allanut pisariaqartinneqartunut.
- 2) Illuutini ingerlatsivinnilu atugassamik innaallagissiornermut atortussanik sanaartornermut pisiortornermulluunniit.
- 3) Umiatsiaaqqamik inunnik angallassissutissatut naatsorsuutigineqartunik pisinermut.

#### *Uumasuutit kinguaassiortitat*

**§ 17.** Naalackersuisut inuussutissarsiutit siuarsarniarlugit taarsigassarsisitsisinnaapput uumasuutissanut kinguaassiortitassanut atugassanik makku pineqarpata:

- 1) Uumasuutit tamarmiusut immikkut ittumik pingaarutilimmillu amerlisinneqassappata.
- 2) Uumasuutit kinguaassiortitassanik pisinermut pissutaappat uumasuutigineqareersut ki-nguaassiortitat uumasuutit nappaalaneratigut aamma silap pissusiinik assigisaannillu pissuteqartumik annertuumik annaaneqarsimappata.
- 3) Nunaleriffioreersimasumi suliffeqarfimmik aallartitseqqittoqarpata.

#### *Iluarsaassinerit*

**§ 18.** Pigisat nalillit §§ 13-mi, 14-imi 16-imilu taaneqartut iluarsaanneqarnerannut Naalackersuisut inuussutissarsiutit siuarsarniarlugit taarsigassarsisitsisinnaapput, tamanna nunalerinerup ingerlaqqinnissaanut pingaaruteqarluinnarpat, tamakkununga aningaasartuutit annertuallaarpata aningaasartuutaasartunik naatsorsuutigineqarsinnaasunillu sippuisimappata.

#### *Nunagissaanerit*

**§ 19.** Naalackersuisut nunalerinermi pigisanik piginnittumut tapiisinnaapput naggorissaanermut nutaaliorlunilu nunagissaanermut, kalkilimmik

marralersuinnermut, paqqersaanermit, kalkilersuinnermut, naggorissaasersuinnermut kiisalu narsaatini aqqusinniornermut, nunaminertani nunalerinnermi pigisanik piginnittumut atugassanngortitaasuni suliarineqartunut.

*Imm. 2.* Tapiissuteqartoqassaaq nunaminertap suliarineqarsimasup annertussusia suliallu suunera tunngavigalugit, tunniunneqassallutillu uppersarsarqarpat suliaq naammassineqarsimasoq.

*Imm. 3.* Nunagissaanermit tapiissutit piumasaqaatit aalajangiinnermilu tunngaviit §§ 3-mi aamma 7-imi taaneqarsimasut malissavaat.

### *Ingerlatsinnermut akiligassarsineq*

**§ 20.** Nunalerinnermi pigisanik piginnittoq ingerlatsinnermut akiligassarsisinneqarsinnaavoq aalajangersimasumik ernialersukkanik. Akiligassarsianit akiliisoqarsinnaavoq uumasut nerukkaatissaannut, naggorissaatinut assigisaannullu aningaasartuutit matussutissaattut. Akiligassanik tunniussisoqartassaaq aningaasartuutigisimasanut uppersarsaammik saqqummiussineq tunngavigalugu.

*Imm. 2.* Naalakkersuisut pissutsini immikkut ittuni ingerlatsinnermut akiligassarsisitsineq akuerisinnaavaat aningaasartuutit imm. 1-imi taaneqanngitsut akilernissaannut, aningaasartuutit taakku akilerneqarnissaat kinguartinneqarsinnaanngippat imaluunniit ajutoorsinnaanerup pinngitsoortinnissaanut assigisaannullu atugassaappata ingerlatsinnermullu tunngasuuppata.

*Imm. 3.* Naalakkersuisut ingerlatsinnermut akiligassarsiat amerlassusissaannut, utertillugit akilernissaannut, erniat annertussusissaannut malittarisassiorsinnaapput.

## **Kapitali 5**

### *Inuussutissarsiutit siuarsarniarlugit taarsigassarsinnermut atugassarititaasut*

#### *Taarsigassarsiat ikilisarnerat*

**§ 21.** Inuussutissarsiutit siuarsarniarlugit taarsigassarsiat utertinniarlugit akilersorneqarsinnaapput aalajangersimasumik annertussusilinnik akuttoqatigiiaakkanik ernialersukkanillu.

*Imm. 2.* Naalakkersuisut inuussutissarsiutit siuarsarniarlugit taarsigassarsiat ikilisinniarlugit akileeqataasinnaapput taarsigassarsiallip taarsigassarsiat annertussusiviinik ikiliartortitsinera ilutigalugu. Taarsigassarsiallip ernianik akilersuineranut ikilisisitsissutissanik akileeqataasoqarsinnaanngilaq.

*Imm. 3.* Tapiissutit Naalakkersuisut ilasinnaavaat nunalerinnermi pigisanik piginnittut arlallit peqatigiillutik atugassaminnik maskiinanik, nersutit inaannik allanillu pisippata.

*Imm. 4.* Naalakkersuisut tapiissutissat amerlassusissaat aalajangissavaat taarsigassarsianut piffissaq akilersuiffiusoq najoqqutaralugu. Inuussutissarsiutit siuarsarniarlugit taarsigassarsiat akilersornerini akilersuutip 50%-ia angullugu

tapiissutigineqarsinnaavoq. Tapiineq taanna pisinnaavoq taarsigassarsisitsinermut isumaqatigiissut malillugu aalajangersimasumik ikilisaalluni akiliutissaq taarsigassarsisumit akilernerqarsimappat.

*Imm.5.* Naalackersuisut inuussutissarsiutit siuarsarniarlugit taarsigassarsianut ikilisaatissanut tapiissutit amerlassusissaat atugassarititaasullu allat pillugit malittarisassat aalajangersarsinnaavaat.

### *Nammineq aningaasaliissutit*

**§ 22.** Inuussutissarsiutit siuarsarniarlugit taarsigassarsisitsisoqartassaaq qinnuteqartoq nammineq aningaasaliissuteqassasoq piunasaqaatigalugu.

*Imm. 2.* Nammineq aningaasaliissutit pisiap akiata minnerpaamik 10%-erissavai Naalackersuisunullu akilernerqareersimassallutik inuussutissarsiutit siuarsarniarlugit taarsigassarsiat akiliutigineqalersinnagit.

*Imm. 3.* § 8, imm. 1, aamma §§ 13, 14, 16, 17 aamma 18 malillugit nammineq aningaasaliissutit ilaqarsinnaapput pigisanik nalilinnik pissarsiariniakkap tamarmi nalinganut ilaasunik.

*Imm. 4.* Naalackersuisut nammineq aningaasaliissutip annertussusiata allinissaanik malittarisassaliorsinnaapput.

### *Piffissaq akilersuiffiusussaq*

**§ 23.** Inuussutissarsiutit siuarsarniarlugit taarsigassarsianik piffissaq akilersuiffiusussaq, takuuk § 8, imm. 1, sivisunerpaamik ukiunut tallimanut aalajangersarneqarpoq. Taamaattorli § 8-mi imm.1-imi nr. 1 aamma 2 malillugit taarsigassarsianik piffissaq akilersuiffiusussaq ukiunut qulinut aalajangersarneqarsinnaavoq angallammik sanaqqiineq iluarsaassinerlu kiisalu motoorimik pissarsineq taarsiinerlu annertuujusimappata.

*Imm. 2.* Inuussutissarsiutit siuarsarniarlugit taarsigassarsianik piffissaq akilersuiffiusussaq, takukkit §§ 13, 14 aamma 16-imi nr. 2, sivisunerpaamik ukiunut 20-nut aalajangersar-neqarpoq. Siullermeerluni taarsigassarsianut akiliinissaq ukiut marluk angullugit kinguartinneqarsinnaavoq ukiut akilersuiffissat 20-usut kinguartsinerup sivisussusianik ilallugit.

*Imm.3.* Inuussutissarsiutit siuarsarniarlugit taarsigassarsianik piffissaq akilersuiffiusussaq, takukkit §16-imi nr. 1 aamma 3, sivisunerpaamik ukiunut qulinut aalajangersarneqarpoq.

*Imm. 4.* Inuussutissarsiutit siuarsarniarlugit taarsigassarsianik piffissaq akilersuiffiusussaq, takuuk §17, sivisunerpaamik ukiunut tallimanut aalajangersarneqarpoq.

*Imm. 5.* § 18 tunngavigalugu inuussutissarsiutit siuarsarniarlugit taarsigassarsianut piffissaq akilersuiffiusussaq, pigisanut nalilinnut iluarsaanniarlugit taarsigassarsissutigineqartunut, taarsigassarsianut tamanut atuuttutulli piffissamut akilersuiffissamut naapertuuttumik aalajangersarneqassaaq, takukkit § 23, imm. 2-4, innaallagissap aqquataasa ikkussornerannut taamaattoq annerpaamik ukiut qulit.

## *Qularnaveeqqusiineq*

**§ 24.** Inuussutissarsiutit siuarsarniarlugit taarsigassarsiat pigisami nalilimmi aalisariummilu inuussutissarsiutit siuarsarniarlugit taarsigassarsiaqarfiusimasumi qularnaveeqquserneqartassapput. Qularnaveeqqut sapinngisamik pitsaanerpaamik prioriteteqartinneqassaaq.

*Imm. 2.* Inuussutissarsiutit siuarsarniarlugit taarsigassarsiat sapinngisamik pitsaanerpaamik qularnaveeqquserneqarsimassapput, pigisami nalilimmi inuussutissarsiutit siuarsarniarlugit taarsigassarsisitsiviusumiluunniit qularnaveeqqusiinikkut.

### *Inuussutissarsiutit siuarsarniarlugit taarsigassarsisitsinermi atugassarititaasut*

**§ 25.** Inuussutissarsiutit siuarsarniarlugit taarsigassarsianut ernialiussat naafferartumillu akilersuutit Naalakkersuisunit aalajangersaavigineqartassapput. Tullerriaakkamik angeqatigiissaakkanik taarsigassarsiat tunniunneqarsinnaapput.

*Imm. 2.* Naalakkersuisut piumasarisinnaavaat inuussutissarsiutit siuarsarniarlugit taarsigassarsiat tamarmik utertinneqassasut ima pisoqarpat: Erniaat ikilisaallunilu akiliutaasartut piffissaq eqqorlugu akilerneqanngippata imaluunniit inuussutissarsiutit siuarsarniarlugit taarsigassarsinermut atatillugu piumasareqqaakkat sumiginnarneqarpata.

*Imm. 3.* Taarsigassarsianik akilersuineq piffissaq eqqorlugu pisarsimassaaq ulloq akileeqquneqarnermik kingorna kingusinnerpaamik ullut 30-t qaangiunneranni akilerneqarsimagunik. Tamatuminnga kingusinnerusukkut akiliineq pisimappat aningaasat taarsigassarsiani-neqarsimasut utertinniarneqalissapput taarsigassarsisimasup allakkatigut piumaffigineqarnermi tusarlerneqarnermiluunniit kingorna ullut arfineq marluk qaangiutsinnagit erniat naafferartumillu akilersuutit akilersimanngippagit.

*Imm. 4.* Naalakkersuisut taarsigassarsisup piffissami aalajangersimasumi akiliinissaa ukiut marluk tikillugit kinguartissinnaavaat imaattoqarsimappat:

1) Inuussutissarsiutit siuarsarniarlugit taarsigassarsiat tamarmiusut nalingisa qularnaveeqqusiussap nalingata 60%-iat sinnerlugu annertussuseqartoq nalilerneqarpat, aamma

2) isumaqartoqarpat akiliisinnaanngikkallarneq sivikitsuinnaasoq.

*Imm. 5.* Taarsigassarsiallip imm.4 malillugu akilersuinnermik kinguartitsinerup kingornatigut piffissami aalajangersimasumi akiligassanik akilersuinini aallarteqqippagu, piffissaq akilersuiffiususaaq piffissat aalajangersimasut kinguartitsivigineqarsimasut amerlaqataannik sivitsorneqassaaq.

*Imm. 6.* Ukiunit marlunnit amerlanerusunik akilersuinissamik sivitsuisinnaanermik Naalakkersuisut akuersisinnaapput immikkut ittunik pisoqartillugu.

*Akiitsunik annikillisaaneq isumakkeerinninnerlu*

*Ernialersuinerup akiitsunillu ikilisaanerup unitsinneqarnerat*

§ 26. Taarsigassarsiat ernialersorneqarnerat unitsinneqassaaq taarsigassarsiat sumiginnar-neqarsimanerannik pissuteqartumik Naalackersuisut taarsigassarsisitsineq taamaatitippassuk.

*Imm. 2.* Taarsigassarsiat taamaatitinneqarpata, akiitsut ikilisarnissaannut Naalackersuisut ukiumoortumik tapiissuteqartarsinnaapput, aningaasat qaammatit aqqaneq marluk kingulliit ingerlanerani taarsigassarsialimmit akilerneqarsimasut amerlaqataannik.

*Isumakkeerinninneq*

§ 27. Peqqussut manna imaluunniit inuussutissarsiutinut tapersiisarneq pillugu malittarisassat siusinnerusukkut atuuttut malillugit taarsigassarsiat ukiup qaammatisiuteqarfiusup naane-ranit ukiut tallimat ingerlareerpata Naalackersuisut akiligassat ilaat isumakkeerinnissutigisinnaavaat. Akiligassat 150.000 kruuninit ikinninngorlugit isumakkeerinnissutigineqarsinnaanngillat.

*Imm. 2.* Taamaallaat isumakkeerinnittoqarsinnaavoq naatsorsuutigineqarpat taarsigassarsiallip akiligassat tamakkerlugit ukiuni qaninnerni tamakkiisumik utertillugit akilersinnaanngippagit.

*Imm. 3.* Taarsigassarsiallip imm. 2 malillugu akiliisinnaassuseqarnera ukua tunngavigalugit nalilerneqassaaq:

- 1) Akiitsut amerlassusiat.
- 2) Taarsigassarsisup inoqutaasalu aningaasaateqassusiat.
- 3) Taarsigassarsisup inoqutaasalu maannakkut isertitaat siunissamilu isertitassaat.
- 4) Taarsigassarsiallip ukiui.

*Imm. 4.* Naalackersuisut imm. 1 soqutiginnagu akiligassat sinneri tamaasaluunniit ukiut qulit qaangiunneranni isumakkeerinnissutigisinnaavaat, tamatumanili tunngaviussaaq taarsigassarsialik akiliisinnaassuserigunakkani naapertorlugu annertussusilimmik akiligassanik akilersuisimappat.

*Imm. 5.* Taamaallaat inuit isumakkeerinniffigineqarsinnaapput.

*Taarsigassarsianik allanngortitsineq*

§ 28. Naalackersuisut inuussutissarsiutit siuarsarniarlugit taarsigassarsiaareersut taarsigassarsianut nutaanut allanngortissinnaavaat piffissami aalajangersimasumi akilersuiffissaq pigisap nalillip taarsigassarsiarititanut tunngasup piunissaa sinneruttutut naatsorsuutigineqartoq sinnernagu, imaassimappat

- 1) inuussutissarsiutit siuarsarniarlugit taarsigassarsiaareersut ukiut tallimat sinnerlugit ingerlareersimappata, aamma
- 2) nalilerneqarpat taarsigassarsiallip tamatuma kingornatigut inuussutissarsiutit siuarsarniarlugit taarsigassarsiat nutaat utertillugit akilersornissaat sapissanngikka.

### *Akiligassallit nikinnerat*

**§ 29.** Taarsigassarsiallip peqqussut manna imaluunniit inuussutissarsiutinut tapersiisarneq pillugu malittarisassat siusinnerusukkut atuuttut malillugit taarsigassarsisimasup taarsigassarsiniartumut nutaamut taarsigassarsiaminik tunniussisinnaanera Naalakkersuisut akuerisinnaavaat, taarsigassarsiniartup nutaap pigisat nalillit taarsigassarsiaritinnerinut tunngaviusut tiguppagit taarsigassarsiaqalersullu nutaap inuussutissarsiutit siuarsarniarlugit taarsigassarsinnaassaguni piumasaqaataasut naammassisimappagittaaq.

### *Inuussutissarsiutit siuarsarniarlugit taarsigassarsianik tapiissutinillu utertitsilluni akiliineq*

**§ 30.** §§ 11 aamma 25, imm. 2 malillugit inuussutissarsiutit siuarsarniarlugit taarsigassarsisitsineq taamaatinniarlugu Naalakkersuisut aalajangiisinnaapput, inuit ingerlatseqatigiiffiilluunniit tunngavissaqanngitsumik peqqussut manna iluaqutigalugu taarsigassarsianik tapiissutinilluunniit pisimappata.

*Imm. 2.* §§ 11 aamma 25, imm. 2 malillugit inuit ingerlatseqatigiiffiillu inuussutissarsiutit siuarsarniarlugit taarsigassarsisitaasimasut tapiiffigineqarsimasulluunniit aningaasatigut ingerlanermik allanngornerinik pingaaruteqartunik Naalakkersuisunut nalunaaruteqarnissamik pisussaaffeqarput. Naalakkersuisut pineqartut taakku piumasaqarfigisinnaavaat aningaasaqarnerminnut tunngasunik uppersaatinik tuneqqullutik.

*Imm. 3.* Naalakkersuisut inuk umiatsiaararsiniarnermut tapiiffigineqarsimasoq piumasaqarfigisinnaavaa qaammatini ingerlareersuni aqqaneq marlunni umiatsiaaqqamik pisami tu-niniarnerinut uppersaatinik nasseqqullutik.

## **Kapitali 6**

### *Ataatsimut aalajangersakkat*

**§ 31.** Naalakkersuisut Inatsisartut peqqussutaata allaffissornikkut aqunneqarnera pillugu malittarisassanik erseqqinnerusunik aalajangersaasinnaapput, taamatuttaaq makku pillugit malittarisassaliorsinnaallutik:

- 1) Inuussutissarsiutit suut ingerlatassatullu pilersaarutit suut inuussutissarsiutit siuarsarniarlugit taarsigassarsisitsivigineqarsinnaasut.
- 2) Nunap ilaani sumiiffiit sorliit Naalakkersuisut inuussutissarsiutit siuarsarniarlugit taarsigassarsisitsiffigisassaneraat.
- 3) Inuussutissarsiutit siuarsarniarlugit taarsigassarsiat ikilisarnerinut tapiissutinik aalaja-ngersaasarnerit.
- 4) Ilinniartitaanermut, aningaasaqarnermut teknikkimullu tunngatillugu qinnuteqaateqartunut ingerlatassatullu pilersaarutinut piumasaqaatit.
- 5) Nunagissaanernut tapiissutissanut piumasaqaatit.

- 6) Ingerlatsinermi akiligassarsititsisarneq.  
7) Peqqussutip allaffissornikkut aqunneqarnera, tassani aamma kommunit peqataanerat.

*Ikaarsaariarnermi atortuulersitsinermilu aalajangersakkat*

§ 32. Inatsisartut peqqussutaat manna atuutilerpoq 1. januar 2007.

*Imm. 2.* Tamanna peqatigalugu Aalisarnermut, piniarnermut nunalerinermullu tapersiisarneq pillugu Inatsisartut peqqussutaat nr. 10, 12. november 2001-imeersoq atorunnaarsinneqarpoq.

*Imm. 3.* Namminersornerullutik Oqartussat nalunaarutaat nr. 12, 12. december 1984-imeersoq inuussutissarsiutinik tapiinermut tunngasoq ataannassaaq peqqussut manna naapertorlugu nalunaarummik taarserneqarserluni imaluunniit atorunnaarserneqarserluni una Inatsisartulluunniit peqqussutaat allat aallaavigalugit.

*Imm. 4.* Piumasarisat Inatsisartut peqqussutaat nr. 4, 20. november 1984 inuussutissarsiutinut tapersiisarneq malillugu aamma Inatsisartut peqqussutaat nr. 10, 12. november 2001 aalisarnermut, piniarnermut nunalerinermullu tapersiisarnernut tunngasoq malillugu sulii atasut allaffissornikkut aqunneqartuarallassapput atukkiinerit pineranni aalajangersakkat atuuttut najoqqutaralugit.

*Namminersornerullutik Oqartussat, ulloq xx.yy 2006*

Hans Enoksen

/

Finn Karlsen